

Hactenus quæ trans Sabrinam , & ad Sabrinam sita sunt in hoc Comitatu cursim perstrinximus: nunc ad orientalem partem progrediamur, quam collibus attolli diximus, *Cotswold* scil. quæ à collibus & ovilibus sic dicta. Montes enim & colles *VVoulds* olim dixerunt Angli, unde Glossarium antiquum, Alpes Italiae *The VVoulds of Italiae* interpretatur. In his candidissimi ovium greges maximo numero pascuntur, cervice prolixa, & quadrato corpore propter situm gracilem, & collinum, ut vulgo creditur, quarum lanæ mollissimæ in maximo apud omnes gentes honore habentur. Sub horum collium latere antiquioris notæ quasi in una vicinia hæc celebria loca cernuntur.

*Campden.* *Campden*, vulgo *Camden*, mercatus satis celebris, ubi (ut author est Ioannes Castoreus) Saxonici generis Reges omnes anno Salutis DCLXXXIX convenerunt, & in commune de bello contra Britanos consuluerunt: quodque tempore Guilielmi Conqueroris possessio erat Hugonis Comitis Cestriæ, & ab ejus posteris ad Rogerum de Somery per Nicolaum de *Albeniaco* tandem deve nit. Iuxta quod est *VWeston* non antiquæ memoriaræ, sed jam ob speciosas ædes à Radulpho Sheldon sibi & posteris positas, quæ longe præludent, memoranda.

*Hales.* *Hales* Monasterium nuper florentissimum à Richardo Cornubiæ Comite & Romanorum Rege exædificatum, & alumno suo Alexandro de *Hales* in spinosa illa Scholasticorum Theologia cor yphæo laudatum.

*Sudley.* *Sudley*, olim *Sudleagh* castrum elegantissimum, nuper sedes *Ægidii Bruges* Baronis de *Chandos*, cuius avum Joannem Maria Regina Baronem de *Chandos* creavit, quod ex antiqua familia de *Chandos* originem duxit, è qua effloruit regnante Edwardo Tertio Ioannes *Chandos* Vicecomes de *Sancto Salvatore* in Gallia ab omni rei militaris laude fœlicissimus. Olim vero nobiles qui hinc de *Sudley* nominati incoluerunt, ex antiquissima Anglicæ prosapia, scilicet Goda *Æthelredi* Regis filia prognati, cuius filius Radulphus Medantinus Herefordiæ Comes genuit Haraldum Dominum de *Sudley*, cuius soboles hic diu floruit, donec deficientibus masculis, hæres cum Guilielmo Butler ex familia de *VVem* nuptias contraxit, illique peperit Thomam, ille vero genuit Radulphum Thesaurarium Angliæ, ab Henrico Sexto creatum Baronem de *Sudley* qui hoc castrum novis ædificiis instauravit. Cujus sorores in familias de *Northbury* & *Belknap* enuptæ fuerunt, per quas brevi in varias familias possessio nes sunt distractæ.

*Toddington.* *Toddington* etiam proxime est huic vicinum ubi *Traci* generis vetustate clari diu floruerunt, qui sibi Barones de *Sudley* per-benignos olim senserunt. Quomodo autem in primo religionis dissidio in Guilielmum *Traci* hujus loci Dominum jam mortuum animadversum fuerit cadavere effosso, & publice cremato ob verbula in testamento quæ hæresim, ut ea tempora judicarunt, resipuerint. Quomodo etiam olim alter Guilielmus de *Traci* Thomas Cantuar. Archiepiscopi cæde manus cruentaverit, Ecclesiastici fuse scri pferunt, nec instituti est mei hujusmodi enarrare.

*Vinchelcombe* hic etiam oppidum satis frequens, *Vinchelcombe* ubi Kenulphus Mercius monasterium erexit, & quo consecravit die, Edbriðthum Cantii Regem quem captivum tenuerat, gratis ad suos demisit. Vix credas in quanta celebritate hoc Monasterium jampridem fuerat ob reliquias regis Kenelli mi pueri septennis, quem soror, ut hæreditatem interverteret, clanculum è medio sustulit, & in Martyrum catalogum majores retulerunt. Territorium huic adjacens quondam per se Comitatus, five Vicecomitatus censebatur, legimus enim in antiquo manuscripto codice ecclesiæ Wigorniensis, Edric cognomento Streona, id est, Adquisitor, qui sub Rege primitus *Æthelredo*, & postea ali quadiu sub *Cnut*, sive *Canuto* omni Anglorum regno prærat, & quasi subregulus dominabatur, Vicecomitatum de *Vinchelcombe*, quæ per se tunc erat, Vicecomitatu*Glocester* adiunxit. Inferius *Brimesfield* jacet, quæ suos olim Dominos habuit *Giffordos*, quibus uxorio ju re lauta à *Cliffordis* obvenit hæreditas, & statim per hæredes foeminas, ad Dominos *Le Strange* de *Blackmer*, *Audleios*, & alios decidit.

Hæc inter colles; sub collibus vero juxta limitem Comitatus orientalem vidimus celebrem illum Roman. viam *Fosse* noto nomine dictam, quæ à Warwicensibus primum descendit per *Lemington*, ubi statio Romanorum videatur fuisse ex Romanis numismatis ibi sæpe erutis, quorum nonnulla mihi pro humanitate impertiit Edw. Palmerus antiquitatis sedulus cultor, cuius maiores hic diu floruerunt, & deinde per *Stow on VVould* ventis ob sublimem situm nimis expositam & *Nort-Leach*, cognominem fluviolo alluenti, ad *Cirencester*, quam *Corinus* fluvius inter colles magna molarum opportunitate in austrum effusus allabitur, nominique adoptat suo. Vetusq; in primis memoria hæc urbs est, *Ptolemæo CORINIVM*, Antonino *DVROCORNOVIVM*, id est, *Cornovium Aqua*, exacte ad xv à *Glevum* sive *Glocestria*, ut ille annotat, lapidem, *Britanni Caer Cori*, *Caer Ceri*, Anglo-Saxones *Cyren-ceaster* dixerunt, nos hodie *Cirencester*, & *Circiter*. Mœnum ruinæ per amplum fuisse declarant, quæ duo utique milliaria, ut ferunt, in ambitu collegerunt. Inclaruisse comprobant Romanorum nummi, pavimenta tessellata, & marmora inscripta subinde effossa, quæ cum in ignaros inciderint, non minimo antiquitatis damno comminuta perierunt, & via illæ Romanorum consulares quæ hic transverse se intersecarunt, quarum illa quæ ad *Glevum* sive *Glocester* duxit conspicuo aggere adhuc extat usque ad *Bridlip hill*, & diligenter in tuenti axis constrata videtur. Britannici annales hanc urbem à Gurmundo, nescio quo tyran no Africano, strategemate per passeres incensam deflagrasse produnt, unde *Passerem Vrbem* *Graldus* vocat, & ex illis Nechamus,

*Vrbis vires experta tuas Gurmunde per annos Septem.*

Quis fuit hic Gurmundus plane ignoro. Incolæ sub urbem molem ostendunt, quam Gurmundum jecisse ferunt, *Grismundi* tamen turrem vocant. Marianus antiquæ fidei historicus Ceaulinum hanc Britannis abstulisse memorat, quo tempore eorum exercitus ad *Deorham* fudisset, & *Glevum* in potestatem redigisset. Longo post tem-